

Gnéithe rochtana ag Leabharlann Leamhcáin, Ionad Siopadóireachta Superquinn

Is ionad atá i Leabharlann Leamhcáin ina bhfuil go leor acmhainní a fheastalaíonn ar an bpobal go léir. Tá an Leabharlann tiomanta do chinntiú go bhfuil an rochtain is leithne agus is féidir ag gach ball den phobal ar a stoc agus ar a seirbhísí ar féidir leo cáilíocht beatha gach custaiméara a bhreisiú agus a fheabhsú. Áirítear anseo daoine atá faoi mhíchumas nó a bhfuil cúnamh ag teastáil uathu ó am go ham ar chúiseanna áirithe.

Tá foireann na leabharlainne i bhfíorthosach ár seirbhíse agus tá siad ar fáil i gcónaí chun cúnamh a thabhairt do chustaiméirí a bhfuil cúnamh aonair ag teastáil uathu.

Tá páirceáil inrochtana ar fáil i gcarrchlós Ionad Siopadóireachta Superquinn atá díreach taobh amuigh. Freastalaíonn bus 25A, atá inrochtana do chathaoir rothaí ar an Ionad Siopadóireachta.

Trealamh

Ríomhaire tiomanta leis na gnéithe seo a leanas:

Scanóir agus bogearraí Kurzweil

Tugann an trealamh seo deis do chustaiméirí cáipéis priontáilte a scanadh agus dul tríd an ábhar trí chaint tháite. Tig le daoine a bhfuil lagú amhairc, disléicse nó fadhbanna léitheoireachta ginearálta acu é a úsáid.

Zoomtext

Cuireann an bogearra seo ar chumas daoine a bhfuil fadhb amhairc acu téacs a mhéadú ar scáileán ríomhaire chuig pé mhéid a fheileann dóibh. Is féidir é a úsáid i gcomhar le caint tháite a léann a bhfuil ar an scáileán chomh maith.

Scáileán Tadhail

Ceadaíonn an scáileán seo do chustaiméir ríomhaire a úsáid trí lámh a leagan ar an scáileán seachas luchóg a úsáid.

Bord Ríomhairí le Rochtain Uilíoch

Roghnaíodh ár mbord ríomhairí mar go bhfuil sé inrochtana go huilíoch, agus áirítear anseo gur féidir an airde a athrú.

Formhéadaitheoir Cló CCTV (Léitheoir Finíochta)

Méadaíonn an formhéadaitheoir seo leathanach clóite agus léirítear é ar scáileán. Is féidir an scáileán a athrú chuig pé bealach is fearr leis an duine, e.g. cló bán ar chúlra dubh, etc.

Rochtain ar an bhFoirgneamh

Tá doras uathoibríoch ag dul isteach sa leabharlann. Tá rochtain ardaitheora chuig an leabharlann do dhaoine a bhfuil soghluaisteacht teoranta acu. Tá leithreas poiblí inrochtana ann chomh maith (seachas do chathaoir rothaí leictreacha) agus cathaoir rothaí idirthurais dóibh siúd a dteastaíonn cúnamh uathu. Tá deasca seirbhíse íseal ann ar féidir le custaiméirí i gcathaoireacha rothaí a úsáid chun míreanna a thógáil amach nó a thabhairt ar ais nó ceisteanna a chur. Tá córas éisteachta lúibe ag cuntas na leabharlainne. Tá roinnt comharthaíochta tadhail ar roinnt stacaí leabhar.

Seirbhísí agus Stoc

Leabhair le Cló mór agus Closleabhair

Tá réimse fairsing leabhar do dhaoine fásta agus do leanaí againn i gcló mór agus closleabhair ar CD a fheilfidh do dhaoine a bhfuil laguithe cló nó deacrachtaí léitheoireachta acu. Tá closleabhair soghluaiste réamhullmhaithe ar fáil chomh maith a oibríonn cosúil le seinnteoir MP3.

Seirbhís Seachadta Baile

Tig le daoine nach bhfuil in ann an teach a fhágáil le dul chuig an leabharlann an tSeirbhís Seachadta Baile a úsáid. Tabharfaidh ball

foirne cuair orthu uair sa mhí le rogha leabhar a fheileann dá suimeanna.

Láithreán Gréasáin na Leabharlanna

De bharr go bhfuil rochtain 24 uair an chloig againn, tig le custaiméirí clárú ar líne, catalóg na leabharlaine a chuardach, ábhar leabharlaine a chur in áirithe, a gcuntas a bhainistiú, eolas a fháil maidir le himeachtaí agus cláir sna leabharlanna ar fad agus rochtain a fháil ar réimse acmhainní tagartha ar líne. Tá Leabharlanna Contae Átha Cliath Theas tiomanta do chinntiú go bhfaigheann a láithreán gréasáin www.southdublinlibraries.ie caighdeán comhlíonta "Double-A" le Web Content Accessibility Guidelines (WCAG) 1.0 de chuid Feadhnacht an Ghréasáin Dhomhanda (W3C).

Stáisiún Íoslódála

Tá dhá stáisiún íoslódála ar féidir leat leabhair a íoslódáil chuig do sheinnteoir mp3 nó chuig léitheoir e-leabhair Sony.

Seirbhísí ar Líne

Áirítear i measc ár seirbhísí tá closleabhair ar féidir a íoslódáil atá oiriúnach do dhaoine a bhfuil deacrachtaí amhairc nó léitheoireachta acu.

Foireann

Tá oiliúint faighte ag an bhfoireann i ngnéithe áirithe d'fheasacht mhíchumais agus tá siad sásta i gcónaí aon chúnamh agus is féidir leo a thabhairt chun seirbhís aonair a thabhairt do gach custaiméir sa Leabharlann.

Socrúchán Oibre

Éascaíonn an leabharlann socrúchán oibre do dhaoine faoi mhíchumas. Pléitear riachtanais ar leith an duine roimh ré lena chinntiú go leagtar amach rudaí i gceart dóibh.

Ar Deireadh

Cuir ar an eolas muid má táimid in ann aon chúnamh a thabhairt duit. Táimid sásta i gcónaí foghlaim le seirbhís níos fearr a chur ar fáil d'ár gcustaiméirí.